

- 38* Vedendo i cieli con le stelle vostre,
Dio sarà sempre con le squadre nostre.

Stramoto.

O come in te, Venecia, si bisbeglia
quanto il strepito a molti è stato amaro,
E come il popul per tal miraviglia
tre giorni spaventati digiunaro;
Portando ogniun alhor basse le ciglia,
tal tempio in sti tre giorni visitaro,
Che stato è per dieci anni chiuso e vuoto,
per l'angosa crudel del teramoto.

PETRUS CONTARENUS, *philosophus.*

39 *Copia trovata in uno libro anticho.*

Noto, come del 1286, a di 17 zener, fo uno grandissimo teremoto in Veniexia. A di 21 dezembrio 1287, de note, fu l'aqua mazor in Venexia che mai fusse, e altro monstrò el nostro Signor Dio in questi do anni, che io non scrivo; et questo fu a tempo de missier Zuam Dandolo, doxe de Veniexia. Poi, dil 1347, de venere, a di 25 zener, a horra de vesporo, in el di de San Polo, fu uno grandissimo teremoto, el qual scoriò sì forte che le campane del campaniel de San Marco sonò sì inesse, e per ditto teremoto chazete tutta la faza sinistra con tutto el colmo et el mexamento de la chiezia de San Baxejo, le zime de alcuni campanieli, zoè de San Silvestro, San Giacomo de l'Orio, San Vidal, San Boldo, et chazete più chamini, e non fu mai di che non fusse teremoto per zorni 15 de longo. Per el dito teremoto, in quella medema horra, in quel proprio di, chazete in terra una città, nominata Vilacho, in Alemagna, soto la qual ne morì grandissima zente. Da poi el dito teremoto, comenzò la pestilentia grandissima, et per tuto el mexe de mazo fu sì grandissima mortalità, ché tutti li cimiterij de Veniexia non fono bastevoli a doverli rezever, et se conveneno mandar la zente de picola condition a San Marcho Bocalame, a San Lunardo *Fossa mala*, San Rasmio. Da poi, per tutto el mexe di lujo, la cessò del tutto et tutte le femene gravede, da poi el teremoto, che partoriva, moriva o lei over la creatura. Essa, quando la vegniva a morir, la feva la creatura con tutti li interiori; per questa via morì quasi tute le femene gravide; e per uno homo moriva, ne moriva 3 femene: ben ne morì $3 \frac{2}{3}$ de le zente de Veniexia.

Trato di uno libro anticho.

1347. Del sopradito milesimo, da le parte de la Tana e de Romania, vene una grandissima mortalità in Veniexia, del mal de la jandusa, et del mal de sengiozo, et morì una gran quantità de zente, et fo teribel muoria, et si par che la fusse universalmente per tutto el mondo. Et fo *etiam* charestia, et da poi fo grandissimo teremoto con stormeni per tutta la terra, et durò zorni 12. El dito aterò molti edifici, et le campane de San Marcho sonnò per esse medesime, et comenzò a crescer molto più la mortalità fin al mexe de mazo, et morì tante zente, che tutti li zimiterij de Veniexia era pieni, et convegnivasi mandar a sepelir le zente menute a San Marcho Bocalame; et per tuto el mexe de zugno la comenzò a bonazar, ma non in tutto; et morì quaxi tutte le femene gravide da la jandusa, et pocha zente che non l'havesse.

A di 27. La matina tuta la terra era spaventata, 40 perchè *etiam* in questa note fo sentito il teramoto do volte, zoè eri sera, a horre 1 $\frac{1}{2}$ di note, et poi a horre zercha XI, ma non fo molto grande; *adeo* non si parlava di altro, e tutti dicea la sua. Et perchè il campaniel di San Marco era resentito assai di sopra e slesso, non fo sonato campana alcuna, ni marangona, ni meza terza, ni terza, che mai più è seguito questo in questa terra, che si habbi restato di sonar, si non il venere santo. Et vene in colegio el legato dil papa, episcopo di Monopoli, et *etiam* domino Magnam, fo frate di San Francesco, di observanti, è *noviter* electo episcopo di Budua; et intrò in colegio et fonno expediti *etc.*

Vene poi il patriarcha nostro, domino Antonio Contarini, dicendo, che il teramoto venuto è *signa Dei, et propter peccata veniunt adversa*; e questa terra è piena di pechati, primo di sodomia, che si fa per tutto senza rispelo, e le meretrici li ha mandato a dir che non poleno viver, niun va di lhorò, tanto è le sodomie; e fino vechij si fanno lavorar. *Item*, ha 'uto da' confessori, che padre se impaza con fiole, fradeli con sorele, et *similia*. *Item*, la terra è venuta pocha divota, perchè li predicatori li haveano dito, ch'è mal non si predichi il verbo divino questa quaresima, poichè la terra è sanna di morbo, et è stà mal fato a levar le prediche; et che adesso, che semo a meza quaresema, soleva li confessori, li altri anni, aver confessà $\frac{1}{2}$ Veniexia, e horra non hanno confessà si non pizochere e pochissime persone. Poi